

黟縣四志卷十一

政事志

祀典

關岳合祀民國三年奉令京外各地方武職人員每歲於春秋二分後第一戊日親詣行禮凡歷代將帥有功於國者二十四人設位於東西兩廂從祀之較文廟之禮稍殺焉黟縣未建專廟歲時詣武廟行禮

廣安寺內於光緒二十二年重建圓通殿

東嶽廟於光緒二十一年增建舞臺於大門之內並修理殿廊各處立有碑記附錄於後

黟縣四志

卷十一

政事志

祀典

一

附重建東嶽廟酬神碑記

捐輸芳名從畧

黟之南有東嶽行祠自咸豐乙卯燬於寇至同治年間邑父老醵金鳩工庀材堂宇峻潔以妥神靈惟餘金無多致臺僅存故址四圍石欄亦多損壞光緒癸巳邑善士欲復舊觀特思工程浩大勢難舉手適案台山李宅因兒病請禱願輸金爲倡始禱畢子病霍然李宅遂輸洋肆伯圓酬願諸善士喜有此欸兼在城鄉勸捐興工構造仍絀於貲乙未歲公函致江西景鎮首事諸君胡利人李寶輝姚在邦胡普宜王萼甫胡友茹朱雲齋勸本邑外貿店戶共輸英洋若干

臺遂告竣爰識顛末并將各捐戶芳名臚列於左

屏山真元道院於光緒二十七年重建寥陽正殿

屏山村口紅廟內於民國五年重建汪公廟

七都鰲山廟祀唐張巡暨趙神廟在七都李村上首

七都關帝廟二所一在漁亭法雲菴之東首一在後金村口

七都周宣王廟在漁亭河東

七都福神廟祀唐汪華之第六子暨曹梁二神廟在七都歐村口

丁王二公祠在北門外廣安寺內就僧舍基址建造先是

黟縣四志

卷十一

政事志

祀典

二

同治二年癸卯春粵寇由浙竄黟盤踞蹂躪民不聊生老
湘左營總兵丁公長勝後營副將王公明輝率師痛剿漁
亭一戰福被全黟黟民感德不忘因於光緒三十一年呈
准建立二公專祠歲時祭祀爲民捍患則祀之禮也

司徒廟在漳溪林族村口康熙初林江湯三姓所建每年
正月十八日各姓輪迎汪周二神至祠以祈年壽六月初
六日在司徒廟剪牲祭祀亦儺禮也

關帝廟在漳溪林族水口雍正間林族合建前後三棟中
塑金身神像三尊又有高樓八角亭文昌閣同治元年粵
寇焚燬光緒初林道宏林萬榮募貲新建數椽立神主祀

之並修臨溪土地祠

漳嶺大聖廟廟建於高山之上並有龍潭五處俗謂龍神
駐駕其中歲早至此禱雨者紛紛輒有奇驗

汪公廟在九都楓源里乾隆辛未年汪敦敘堂建

祠堂

嘉慶志敘名義詳矣末有可爲氏族一助脗合鄭樵通志三十二義之意是以三志於各祠下載其始遷夫夾際述畧已闡黃農虞夏洎於五季譜系淪喪宗法不彰鄭重輯錄使人曉然木本水源非種必鋤婚姻慎締况乎休屠仕漢金儷張榮劉淵蒲洪賡續易氏李唐趙宋寵錫天潢紛歧迷昧不可殫紀應循嘉靖府檄爲之補錄今據捐助四志開辦經費者每祠準舊考棚十兩三志四兩損益爲銀元十枚請錄如左

黃啟裕堂

十二都迎村始祖勝宗舊祠延晃堂在黃迎橋遭粵匪焚燬移下數武建造斯祠

黟縣四志

卷十一

政事志

祠堂

四

李光裕堂

三都支祠祀能謙

江慶周堂

五都江村

吳尙義堂

橫岡吳晉蕃建祀四世祖仲遠見舊志尙義

汪本儀堂

十都奇墅翰苑

湯禮和堂

二都湯村始祖本穰

鄭四洪堂

一都石亭天官里支祖成源

李德啟堂

一都西田

汪大本堂

三都碧山民國十年重建

舒世德堂

九都屏山宣統三年舒肇淦建造

王怡和堂

一都南門外龍尾山麓王瑞泉命子康吉康慶立中建民國十年十月落成

舒光緒堂

明永樂十九年由九都遷居城中北街有兄弟
二支祠長支曰至善堂本堂係次支祠雖建於
東隅實則二祠均係入北隅關會也年久損壞
不堪民國元年經支丁法賢獨葺修嗣於十一
年復經法賢法炎兩支丁修理完竣恢復舊觀

黟縣四志

卷十一

政事志

祠堂

四

橋梁

札谿石垛板橋在桃源洞下首道光間汪國楹造光緒壬辰其孫中議大夫汪廷奎重建國楹曾孫汪鶴齡有記附錄於後

附重築札谿橋礫并路記

汪鶴齡

去縣南二十里許曰札谿谿爲札川青嶺山大川松川山背等村往來漁亭道要舊有板橋存焉道光初先曾祖國楹捐貲建造適因築礫未堅致被水壞後仍搭九板橋以利行人然當洪水暴漲時板橋頗爲危險此水來源出自方家嶺由石山而桃源河道逼仄若潯陽屯鍾潭屯平時水深數丈清不見底以下若五里排之水碓礪昔日築壩

黟縣四志

卷十一

政事志

橋梁

五

堅牢常儲其水遇洪水暴發上游滿而易溢極浩瀚而迅猛下游水勢雖平而河身漸狹以致橫流泛濫茫無歸宿加以村內小谿之水與大河水兩相滙合滾滾波濤勢不至虧圯橋梁不止先伯廷奎善繼先志願捐俸貲重議建築且橋礫創造於光緒辛卯春而落成壬辰秋并接修札川村路五里由是行人稱便爰誌之

侍郎橋在縣西

汪侍郎墓側巖岨其裔孫汪顯濟建距城十里爲案台山第一水口原橋久圯

自明季李氏族居後由李氏族人選石重造左右復鑿二塘橋名見前志今補述重造之事實俾後人知其端委焉

睢陽亭橋

在宏村計長十餘板汪華鉉汪懷卿合造另立橋會爲經久修理費

漁亭橋

前志列通濟永濟二名後兩橋併爲一橋下跨七洞光緒三十年休甯汪綬卿邀黟邑紳商募貲重

修有修橋紀事本末暨興工請示稟稿知縣告示附載於左

附重修漁亭橋紀事本末記

漁橋自光緒二十九年癸卯汪君蔭楠甯君介圃汪君授卿發起興修會同油米業余君致和何君星一舒君春庭孫君功甫吳君凱臣吳君躍門蘇君枚蓀余君禧祥同爲首事疊番集議繼商之本都余紳諸君旋即至黟敦請程徵君仲威余廣文桂芬姚紳澧珊余紳克勛諸公肅啟募捐卜吉興工旣而汪君蔭楠偕甯汪諸君就漁募捐到屯募捐此次屯鎮商號樂輸首先踴躍一時捐數彙齊分存屯莊起息然後之漁租定公所擇吉開工購辦石料所中

經理經首事諸君集議以汪君綬卿司漁釐卡有年素行公正堪勝其任且定汪君蔭楠爲銀錢總理於時汪君綬卿稟辭釐卡職務專理橋工然漁橋圯壞日久議以估工非兩萬餘洋不辦汪君以漁屯及城紳勸募捐洋尙未籌有半數商之首事諸君自行到上江一帶勸募汪君籍隸休甯由安慶而至漢口等處賴休之紳商協助之力居多大通蕪湖則汪君仰韓何君星一諸君協同黟商籌辦蓋至此而漁橋之經費有資基礎已定駸駸乎有克底完全之望廼石工分用太平開化兩帮自探巖下馬欄塢山石諸多不力用費浩繁所中督工司賬迭次易人維時已閱

兩年石料諸多未辦至三十一年石工方克昌等接理始捲河東第一洞三十二年甯君介甫就屯鎮商業汪君陰楠又精神衰憊工程稍有眉目而內事間有齟齬訕謗紛傳致督工司賬者先後辭退汪君綬卿剪髮誓志力任其艱於是邀同愚兄弟到所協理一司督率諸工一司各項用賬鄙人等知識淺薄何能堪此責任惟汪君如此熱心爲敝區辦理工程不避嫌怨不辭勞瘁敦逼再三辭不獲廼蒞局襄辦一切比爲清結遞年用帳查詢舊時規章或量爲變通或分別改正凡如石工之勤惰逐夜與工師說明石料之堅否逐件著石工揀擇然而工程浩大未便時

日久延當飭石工加工趕緊採料將河西一洞起捲旋以米穀奇昂貨物騰貴約計用費恐仍不敷三十三年春汪君綬卿又復到江西省城及饒州一帶募款旣而余紳桂芬姚紳澧珊亦到景鎮偕姚君在邦籌辦橋捐計景鎮捐數捐至四千有零訂以三年分繳是年河東之第二洞起捲告竣乃事修整橋尖河塋各工程三十四年塹平橋面安置橋欄遂於是年冬間擇吉圓橋宣統元年橋下之亭完工汪君綬卿將各項清理議先撤局以節糜費雖捐數有未繳清橋碑有未刊正一是著諸首事及愚兄弟任之是役也歷時七年之久用費至貳萬六千餘洋工程爲我

區之最至捐項策齊汪君綬卿會同甯君介圃及漁埠首
事諸君逐一清釐繕寫上石統計用費幸尙餘洋叁千壹
百有零先是余紳姚紳諸公議建丁二公祠橋欸餘洋擬
作建祠之費現今分存黟城漁鎮兩處俟祠建後再行勒
碑云云鄙人按漁亭爲黟水總匯之區自永濟通濟并爲
一橋下跨七洞長三十四丈寬一丈九尺楊善人瑩之於
先胡通議踵之於後迄道光朝重修及今將屆百年圯壞
已甚經汪君綬卿董其事而竟其成值此物力維艱籌集
不易之時得諸大善士慷慨輸將致克有此良好之結果
此漁橋之幸福也此則我區之大幸福也然諸大善士倡

黟縣四志

卷十一

政事志

橋梁

八

義舉而造幸福吾知非惟造幸福於身家抑且造幸福於
子孫者正自無量也既歲事始刊徵信錄以廣告各埠紳
商鄙人寡學不文忝膺是任不揣固陋畧紀修橋顛末於
此徵信也紀實也

歐陽國

鈞同述

附興工請縣憲給示稟稿

光緒廿年五月二十五日

具稟前署貴池縣訓導余攀榮孔目銜附貢生姚國
儀優廩生余毓元世襲雲騎尉汪鐸監生何悅監生
汪章煥監生甯震從九余大振從九吳國福從九吳
國泰監生孫懋從九余禧祥監生蘇放蓀等爲興修
橋梁工大事繁顛賞示禁督率有資事緣漁亭爲黟

邑門戶舟車交通商賈輻輳爲七省通衢之要區居民夾岸而居中隔於河約計長有三十餘丈前人不惜鉅資建造石橋一道以便往來行人第年遠代湮雨浸風蝕日形圯壞若不大加修葺岌岌乎有倒塌之勢於是閭鎮集議並邀職等其商四處勸募三載跋涉始克畧有端倪茲諷八月十六上吉先行開局舉辦僱工興修惟是工程浩大非一朝一夕之間可能蕆事而且工徒蟻集難保無勤惰之分物件蜂屯又恐啟穿窬之盜職等竭勞盡瘁旣已籌畫於幾先而杜漸防微又不得不圖維於事後幸值 憲台福

黟縣四志

卷十一

政事志

橋梁

九

蒞常以利濟爲心側聞溱洧濟人鄭大夫乘輿遺愛洛陽遺吏蔡太守至誠感神與人爲善想亦大君子所樂聞爰是謹擬條則伏乞俯賞立禁煌煌憲諭誥誡綦嚴不但烏合之徒宵小之輩不敢生心則督率之人有所稟承亦且樂於從事仁人之言其利溥大工告成之日則湛恩之汪濊將與川澤以均長矣爲此粘呈環叩 憲大父師鑒核修葺橋梁賞示嚴禁公侯萬代不勝禱祝之至感激上稟

縣憲張批

如稟示禁並候飭保捕協同稽察

二十
六日

附知縣張示

己巳五月二十九日

爲出示嚴禁事據前署貴池縣訓導余攀榮原稟全敘等情並粘抄請禁各條到縣據此除批示並飭捕保稽查外合行出示嚴禁爲此仰各匠工役及附近居民人等知悉爾等務各遵後開條規毋稍違犯致干提究不貸凜之切切特示

計開條規

一各匠工役務各按規工作不得藉端生事酗酒賭博亦不得怠惰偷安致糜費用

一公所木石物件存儲在外著該捕保隨時稽察如遇偷竊立即拿獲送案究懲

黟縣四志

卷十一

政事志

橋梁

十

一公所重地閒雜人等不得無故誼譁滋鬧

文光橋

在漳溪江村左首合源眾姓同造爲通黟城要道光緒十一年蛟水陡發橋路並圯十五年林道宏捐貲首倡募款重修兼修斷路七處又蘇家灣路圯三十餘丈民國六年春道宏子履平同族人翰香倡議集貲重築七年夏工竣勒碑路側以紀其事

臨章雙棟橋

在林族水口橋之兩端砌石架大栗木爲之嘉慶季年林慶積堂獨造道通石埭太平二

縣民國六年林族重修

靄岡橋

石橋在七都靄江係通休祁孔道

艾坑橋

石橋在七都艾坑余姓建

秀溪橋二

石橋一在漁亭小河一在葛坑

穎川橋二

石橋一前志注庭點建一民國歐陽芝李鵬南汪懋功等建

梅源橋 石橋在歐村口

魚山橋 石橋在歐村魚山之東

楠嶺橋 石橋在楠木嶺下通祁門大路

考川橋 石橋在七都考岔村通祁婺要路

挹秀橋 石橋在六都石山長數十丈前知事章壽椿有碑
記附錄於後

附重建石山挹秀橋碑記

江蘇 章壽椿 寄周

黟處萬山中夙多慷慨好義之士橋梁道路樂於興
修宰斯土者每忻羨之縣南五里許曰石山諸水所
匯湍激深洑有石橋焉以利行人爲休祁往來衝道
清順治間邑紳余起光汪瓊吳經世捐貲建造乾隆

黟縣四志

卷十一

政事志 橋梁

十一

中汪瓊後裔櫛佐德景等重修邑人士嘖嘖稱道之
前任竇林兩公皆有碑記文戴邑志經今又百數十
年洞圯石裂橋面傾塌行者不免病涉適有六都吳
君子敬者業絲商於滬熱心公益慨然獨任之請賢
能者董厥工其族人堯敷茂才者樸實耐勞士也願
爲之督理謂經一番大工須數百年而不毀故重修
不如重建之計久遠也然以今日工艱物貴伐石庀
材估計價值蓋倍於曠昔焉自民國三年甲寅冬開
始越二載而工成共用銀圓壹萬二千有奇橋而名
挹秀者從其初也形式雖因舊而工程實剏新其建

築之堅緻堯敷一身監理不憚勞瘁洵與予敬相得
益彰矣不佞前幸承乏斯邑與聞其事上年夏予敬
回鄉數日得罄一席之談知在敝鄉無錫獨造鋼橋
一所費貲數萬可見其好善之量不僅石山一橋已
耳不佞奉調陽谷適茲橋成未獲登覽其上爲士民
慶幸爰郵文以記之竊祝邑之人均以予敬之心爲
心而予敬之後人皆能善繼厥志則此挹秀橋也可
其石山不朽云

二郎橋

在北門內中街據前志橋上五侯閣係余循許復
春等捐貲移建茲橋圯陷於民國十二年十月間
余循公眾會種德堂獨貲重修

亭宇

同善亭

在北城外北爲西田鶴山石屏松嶺等村入城孔道前有磚瓦窑一座因掘土取泥有傷地脈且碍

水道先後經各村稟請示禁勒碑里人因建亭以便往來行人小憩並避風雨焉

諷蔭亭

在七都汪村畝一名新亭中憲大夫汪崇鏞奉節母命建造盛夏施茶碧陽書院山長汪汝綸題跋

於亭之額

營防亭

在七都趙公祠前

觀音亭

在七都璋坑

延壽亭

橫岡吳翥捐銀二千餘兩造亭十二座爲往來人憩息之所吳翥碑記附於後

附承建十二亭碑記

翥

不敏不獲與吾鄉父老兄弟習處里閭恭桑敬梓

黟縣四志

卷十一

政事志

亭宇

十三

有益於地方公共之舉頻年服賈遠涉申江迎養慈親聊承色笑前年吾母七十生辰戚友之在滬濱者相與謀獻一觴爲太夫人壽而吾母聞之則進

翥而

命之曰祝嘏虛文也慈善實益也余與汝去鄉久獨不念故鄉父老兄弟行者無所憩炎暑雨雪道路無所庇蔭乎汝其擴此筵資多爲亭以翼之以承吾志

翥

唯唯敬受教他日擇中途之要者築亭十有二所

吾母又進而命之曰有舉莫廢古之訓也歲月遷流風霜剝蝕亭詎能終無壞哉汝其捐貲修葺求所以永久之

翥

唯唯敬受教今年春憲歸自申因捐田數

畝以爲善後之費竊願吾鄉父老兄弟一念吾母之誠相與顧惜而保存焉庶吾母之垂老不忘桑梓者爲不虛矣

翥

不敏弗能文辭謹述其事實而勒之於

石民國四年三月日

心亭

在漳溪五節嶺下林慶積堂獨建民國五年林族集貲重修

新安大社亭

在五節嶺下社祀五穀之神乾隆間合源眾姓同建民國五年仍由眾姓同修

桂林亭

在南隅外東嶽之下民國十年郭隅程桂林獨建

吳翥亭

在石山挹秀橋東橫岡吳翥造

塘塌

三都立川曹家溪塘塌名曹家塌舊有今圯

五都鍾山金村前臨大溪曰武水每年四五月間洪濤激發衝塌石磅村中田地多漂沒歷供虛糧光緒三十年溪流向村愈激漸逼民居三十二年金銘勲金相發起自捐重貲稟請修理族人踴躍助之就昔之溪位築石壩開深溝導水復故道工程逾兩年之久費用近三千之多頗稱堅固金村水患自此得免惟溪以內地多礲确先植樹木以培地質近年漸成叢林續擬招工墾種庶不致久供虛糧云

黟縣四志

卷十一

政事志

塘塌

十五

規塌導橫江水源合流出口處經一二里至豐口漑田三十餘畝又一二里至郭干漑田八十餘畝塌歸豐口三十餘畝田主修築溝歸郭干八十畝餘佃戶疏濬昔年稟准立案永無推諉郭干卽案台山村後隔崗也塌名見前志今補述其修築疏濬各有責任云

七都塘塌甚多除前志已載不錄外茲查有塌十八處誌之以補前志所未備其名曰高塌 八角亭塌 水林橋塌 營防塌 六畝塌 歐村塌 八家塌 水磨塌 札坑石塌 血塢塌 楊家橋塌 沙田塌 河上塌 艾坑塌 前岸塌 考岔塌 田干塌 下湖塌

三都舊有石碣同治年間何姓族眾就其遺蹟重新建造
以興水利碣之上爲放生塘光緒年間曾經稟准縣署禁
止取魚 寺佃田碣在十都花園

黟縣四志

卷十一

政事志

塘碣

十六